



Broj: 02/1-3312/26
Datum: 27.04.2026. godine

Na osnovu člana 24. Zakona o cestovnom prijevozu FBiH („Službene novine FBiH“ broj: 28/06, 2/10, 57/20 i 44/22), člana 4. stav 2. i 3. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra („Službene novine Federacije BiH“, broj 79/13, 91/14, 98/14 i 84/15), Općinski načelnik, **donosi**

RJEŠENJE

o pokretanju postupka odobravanja i registracije redova vožnje na općinskim autobusnim linijama na području općine Kakanj

I.

Pokreće se postupak odobravanja i registracije redova vožnje za linijski prijevoz putnika na općinskim autobusnim linijama na području općine Kakanj za mjesec juni, juli i august u periodu 2026-2028. godine, prema registrovanim redovima vožnje, zbog porasta potreba korisnika prijevoza u navedenom periodu, na relacijama:

- Kakanj „AS“ – Tršće
- Kakanj „AS“ – Desetnik
- Kakanj „AS“ – Haljinići
- Kakanj „AS“ – Kučići
- Podborje – Kakanj „AS“
- Kakanj „AS“ – Donji Kakanj (Škola) – Bilješevo „R“

II.

Odobreni i registrovani redovi vožnje bit će upisani u Registar redova vožnje na općinskim autobusnim linijama na području općine Kakanj za period 2025-2028. godine.

III.

Postupak odobravanja iz tačke I. ovog rješenja provodi Komisija za provođenje postupka odobravanja redova vožnje na općinskim autobusnim linijama na području općine Kakanj. Komisija za odobravanje redova vožnje, datum početka i završetka rada Komisije i rok za dostavu konačnog izvještaja nadležnom organu propisat će se posebnim rješenjem.

IV.

Visna naknade za troškove rješavanja prigovora iznosi 150,00 KM po polasku odnosno povratku. U slučaju opravdanog prigovora, uplaćena naknada se vraća prigovaraču.

Sredstva se uplaćuju na depozitni račun Općine Kakanj broj: 1340200000370849, ASA Banka d.d. Sarajevo, vrsta prihoda: 722131, šifra općine 043, poziv na broj: 0000000000, sa naznakom: „Naknada za rješavanje prigovora u postupku odobravanja redova vožnje na općinskim autobusnim linijama“.

V.

Javni oglas o pokretanju postupka prikupljanja zahtjeva sa propisanom dokumentacijom, sa vjerodostojnim dokazima o ispunjavanju propisanih uslova za odobravanje redova vožnje na općinskim autobusnim linijama za mjesec juni, juli i august u periodu 2026-2028. godine objavit će se u „Službenim novinama Općine Kakanj“, u dnevnom listu „Oslobođenje“, na službenoj web stranici Općine Kakanj www.kakanj.gov.ba i na oglasnoj ploči Općine Kakanj.

VI.

Rješenje stupa na snagu danom donošenja.

Obrazloženje

Članom 33. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra („Službene novine Federacije BiH“, broj 79/13, 91/14, 98/14 i 84/15) predviđeno je da se poslije redovnog usklađivanja i registracije redova vožnje može u izuzetnim slučajevima i na zahtjev zainteresovanog prijevoznika, udruženja prijevoznika, nadležnog općinskog organa ili drugog predstavnika korisnika prijevoza pristupiti postupku odobravanja reda vožnje ukoliko su u međuvremenu nastupili razlozi koji nisu postojali prilikom redovnog usklađivanja redova vožnje, odnosno ukoliko je došlo do prestanka rada prijevoznika koji nema pravnog sljednika, porasta potreba korisnika prijevoza, supstitucije prijevoza koji je obavljala druga grana prometa, otvaranje novog putnog pravca, brisanja reda vožnje iz registra, više sile ili drugih opravdanih okolnosti.

S tim u vezi, nakon više zahtjeva građana da se obezbjedi prijevoz i za mjesece juni, juli i august s obzirom da prema trenutnom registru redova vožnje nema registrovanih polazaka/povrataka u navedenim mjesecima, nadležni općinski organ izvršio je analizu opravdanosti i potreba za prijevozom i ocijenio da zbog porasta potreba korisnika prijevoza u navedenim mjesecima opravdano se može pristupiti postupku odobravanja redova vožnje.

Na osnovu naprijed navedenog riješeno je kao u dispozitivu ovog rješenja.

Ovo rješenje je konačno u upravnom postupku i protiv istog nije dozvoljena žalba.

Dostaviti:

- 1x „Službene novine Općine Kakanj“,
- 1x Web stranica Općine Kakanj,
- 1x Oglasna ploča Općine Kakanj,
- 1x Odsjek za lokalni ekonomski razvoj,
- 1x a/a.



OPĆINSKI NAČELNIK

Mirnes Bajtarević